

БЕШИНЧИ БЎЛИМ**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ
ХУЗУРИДАГИ ОЛИЙ АТТЕСТАЦИЯ КОМИССИЯСИ РАЁСАТИНИНГ
ҚАРОРИ****166 Фан доктори илмий даражасини берувчи илмий кен-
гаш тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2013 йил
25 мартда рўйхатдан ўтказилди, рўйхат рақами 2440*

Ўзбекистон Республикаси Президентининг 2012 йил 24 июлдаги ПФ-4456-сон «Олий малакали илмий ва илмий-педагог кадрлар тайёрлаш ва аттестациядан ўтказиш тизимини янада такомиллаштириш тўғрисида»ги Фармони (Ўзбекистон Республикаси қонун ҳужжатлари тўплами, 2012 й., 30-сон, 346-модда) ва Ўзбекистон Республикаси Вазирлар Маҳкамасининг 2012 йил 28 декабрдаги 365-сон «Олий ўқув юртидан кейинги таълим ҳамда олий малакали илмий ва илмий-педагог кадрларни аттестациядан ўтказиш тизимини такомиллаштириш чора-тадбирлари тўғрисида»ги қарорига (Ўзбекистон Республикаси қонун ҳужжатлари тўплами, 2013 й., 1-сон, 5-модда) мувофиқ Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсати **қарор қилади:**

1. Фан доктори илмий даражасини берувчи илмий кенгаш тўғрисидаги низом иловага мувофиқ тасдиқлансин.

2. Қуйидагилар ўз кучини йўқотган деб ҳисоблансин:

Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 1996 йил 25 январдаги 34/2-сон қарори билан тасдиқланган Ихтисослашган кенгаш ҳақида низом (рўйхат рақами 260, 1996 йил 10 июль);

Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2003 йил 17 июлдаги 96/3-сон «Ихтисослашган кенгаш ҳақида низомга ўзгартириш ва қўшимчалар киритиш тўғрисида» қарори (рўйхат 260-1, 2003 йил 12 август) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2003 й., 15-сон);

Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2009 йил 24 декабрдаги 160/11-сон «Ихтисослашган кенгаш ҳақидаги низомга ўзгартириш ва қўшимчалар киритиш ҳақида» қарори (рўйхат рақами 260-2, 2010 йил 20 январь) (Ўзбекистон Республикаси қонун ҳужжатлари тўплами, 2010 й., 3-4-сон, 23-модда).

Ўзбекистон Республикаси қонун ҳужжатлари тўплами, 2013 й.

3. Мазкур қарор расмий эълон қилинган кундан эътиборан кучга киради.

Раис

Г. БАХАДИРОВ

Тошкент ш.,
2013 йил 31 январь,
195/3-сон

Ўзбекистон Республикаси
Вазирлар Маҳкамаси ҳузуридаги Олий
аттестация комиссияси Раёсатининг
2013 йил 31 январдаги 195/3-сон қарорига
ИЛОВА

**Фан доктори илмий даражасини берувчи
илмий кенгаш тўғрисидаги
НИЗОМ**

Мазкур Низом Ўзбекистон Республикасининг «Таълим тўғрисида»ги (Ўзбекистон Республикаси Олий Мажлисининг Ахборотномаси, 1997 й., 9-сон, 225-модда), «Кадрлар тайёрлаш миллий дастури тўғрисида»ги (Ўзбекистон Республикаси Олий Мажлисининг Ахборотномаси, 1997 й., 11-12-сон, 295-модда) қонунларига, Ўзбекистон Республикаси Президентининг 2012 йил 24 июлдаги ПФ-4456-сон «Олий малакали илмий ва илмий-педагог кадрлар тайёрлаш ва аттестациядан ўтказиш тизимини янада такомиллаштириш тўғрисида»ги Фармони (Ўзбекистон Республикаси қонун ҳужжатлари тўплами, 2012 й., 30-сон, 346-модда) ва Вазирлар Маҳкамасининг 2012 йил 28 декабрдаги 365-сон «Олий ўқув юртидан кейинги таълим ҳамда олий малакали илмий ва илмий-педагог кадрларни аттестациядан ўтказиш тизимини такомиллаштириш чора-тадбирлари тўғрисида»ги қарорига (Ўзбекистон Республикаси қонун ҳужжатлари тўплами, 2013 й., 1-сон, 5-модда) мувофиқ фан доктори илмий даражасини берувчи илмий кенгаш (кейинги ўринларда Кенгаш деб юритилади) фаолиятини тартибга солиди.

I боб. Умумий қоидалар

1. Мазкур Низомда қуйидаги асосий тушунчалардан фойдаланилади:

талабгор — фан доктори илмий даражасини олиш учун илмий изла-нишлар олиб бораётган шахс;

аттестация — олий малакали илмий ва илмий-педагог кадрларни тай-ёрлаш жараёни босқичларида тегишли чора-тадбирларни ўтказиш, жумла-дан малакавий имтиҳонларни қабул қилиш, семинарлар ва давра суҳбатла-рида диссертацияни апробациядан (муҳокамадан) ўтказиш, фан доктори

илмий даражасини берувчи илмий кенгашда (кейинги ўринларда Кенгаш деб юритилади) диссертация химоясини ўтказиш ва диссертацияни Ўзбекистон Республикаси Вазирлар Маҳкамаси ҳузуридаги Олий аттестация комиссиясида (кейинги ўринларда ОАК деб юритилади) экспертизадан ўтказиш асосида талабгорларнинг илмий савиясини ҳамда диссертация натижаларининг янгилиги ва сифатини баҳолаш;

аттестация иши — талабгорнинг аттестацияга оид ҳужжатлари тўплами;

диссертация — талабгорнинг эълон қилинган илмий ишлари асосида тайёрланган қўлёзма шаклидаги юқори малакавий илмий асар;

диссертация автореферати — диссертациянинг асосий ғояси, хулосалари, ўтказилган тадқиқотларга талабгорнинг қўшган ҳиссаси, тадқиқот натижаларининг янгилиги, илмий ва амалий аҳамияти ҳамда татбиғи баён қилинган қўлёзма;

иш бажарилган ташкилот — талабгорнинг диссертация тадқиқотлари ўтказилган ва ишланмалари бажарилган ташкилот;

экспертиза — диссертация илмий натижаларининг қай даражада тўғрилиги, янгилиги, диссертациянинг назарий ва амалий аҳамияти, уни диссертацияларни баҳолаш мезонларига мос келишини баҳолаш;

дастлабки экспертиза — диссертациянинг химоядан олдин ўтказиладиган экспертизаси;

Бир марталик кенгаш — фан доктори илмий даражасини берувчи вақтинчалик илмий кенгаш;

Кенгаш қошидаги илмий семинар — диссертацияни якуний дастлабки экспертизадан ўтказадиган семинар (кейинги ўринларда Илмий семинар деб юритилади);

диссертация химояси — тадқиқот натижаларининг илмий янгилиги, хулосалари, тавсияларининг тўғрилиги ва асосланганлиги, диссертациянинг назарий ва амалий аҳамияти, талабгорнинг фанга қўшган ҳиссаси бўйича илмий жамоатчилик олдида ўтказиладиган муҳокама;

илмий маслаҳатчи — диссертация мавзусини танлашда талабгорга қўмақлашган, тадқиқот мақсади ва вазифаларини белгилаб берадиган ва тадқиқотни ўтказишда маслаҳат берадиган масъул шахс;

жамоавий тақриз — ОАК томонидан юборилган диссертацияни кўриб чиқиш юзасидан Кенгашнинг қўшимча хулосаси;

ҳисоб комиссияси — Кенгаш мажлисида ёпиқ овоз беришни ўтказиш учун тузиладиган бир марталик комиссия;

апелляция — фан доктори илмий даражасини бериш ёки ундан маҳрум этиш ёхуд уни тиклаш тўғрисидаги қарорлар юзасидан берилган шикоят аризаси.

2. Кенгаш диссертацияларнинг экспертизаси сифати, ҳолислиги, тайёрланган диссертация химояси учун зарур шароит яратилиши ва қабул қилган қарорларининг асослилиги учун масъулдир.

II боб. Кенгашни тузиш

3. Ҳузурида Кенгаш тузиш учун муассасалар куйидаги талабларга жавоб бериши лозим:

фундаментал ва амалий фаннинг тегишли соҳаларидаги тан олинган ютуқларга, илмий тадқиқот натижаларини амалиётга жорий этишнинг юқори даражасига эришган, тегишли йўналишлар бўйича етарли илмий салоҳиятга — камида икки нафар фан доктори ҳамда сифатли олий малакали илмий ва илмий-педагог кадрлар таркибига;

тегишли фан соҳалари бўйича давлат грантлари ва халқаро грантларда, илмий лойиҳаларни (хўжалик шартномалари асосидаги илмий-тадқиқот лойиҳалари ва бошқалар) ишлаб чиқишда иштирок этаётган ҳамда илмий ишлари, жумладан хорижда нашр қилинган илмий ишлари мавжуд бўлган ходимларга;

тегишли йўналишлар бўйича доимий ишлаб турган илмий семинарларга, республика ва халқаро миқёсдаги конференциялар, семинарлар, давра суҳбатлари ва бошқа тадбирларни ташкил қилиш ва ўтказиш тажрибасига эга бўлиши.

4. Кенгаш олий ўқув юртидан кейинги таълимни амалга оширувчи етакчи олий таълим, илмий-тадқиқот муассасалари ҳузурида мазкур муассасалар бўйсунувчи вазирликлар, идоралар ва Фанлар академиясининг мурожаатномаларига асосан, ОАК томонидан тузилади.

Муассасалар Кенгаш тузиш учун мазкур Низомнинг 3-бандида назарда тутилган талабларнинг барчасига жавоб бермаган тақдирда, вазирликлар, идоралар ва Фанлар академиясининг мурожаатномаларига асосан, ОАК томонидан олий таълим ва илмий-тадқиқот муассасалари ҳузурида, истисно тариқасида, ташкилотлараро Кенгаш тузилиши мумкин.

Кенгаш ҳамда ташкилотлараро Кенгаш раҳбарияти ва таркиби ОАК томонидан тасдиқланади.

5. Вазирликлар, идоралар ва Фанлар академиясининг мурожаатномасида Кенгаш тузиш зарурати ва уни ташкил этишнинг мақсадга мувофиқлиги асослаб берилиши ҳамда мурожаатномага мазкур Низомнинг 1-иловасига мувофиқ Кенгаш аъзоллигига тавсия этилаётган шахслар тўғрисидаги маълумот, объектив-маълумотнома, уларнинг ёзма розилиги ва охириги уч йил ичида нашр этилган илмий ишлари рўйхати илова қилинади.

6. Кенгаш томонидан кўпи билан тўртта ихтисослик ёки фан соҳаси бўйича диссертациялар ҳимояга қабул қилиниши мумкин.

7. Кенгаш аъзолари камида ўн бир нафар ва кўпи билан йигирма бир нафар фан докторларидан иборат таркибда шакллантирилади.

8. Кенгаш таркибига, истисно тариқасида, тегишли ихтисослик ёки фан соҳаси бўйича фаол илмий фаолият олиб бораётган ва катта илмий-амалий тажрибага эга бўлган фан номзодлари ҳам киритилиши мумкин, бунда фан докторлари сони Кенгаш аъзоларининг 80 фоизидан кам бўлмаслиги керак.

Кенгаш таркибида Кенгаш ихтисослигининг тегишли фан соҳаси бўйича камида беш нафар фан доктори бўлиши лозим. Кенгаш таркибига фан номзодлари киритилган тақдирда, камида тўрт нафар фан доктори бўлиши лозим.

9. Зарур холларда, Кенгаш таркибига Кенгаш ихтисосликларига яқин фан соҳалари бўйича илмий даражага эга бўлган шахслар ҳам киритилиши мумкин.

Бир шахс фақат битта фан соҳасининг битта ихтисослиги бўйича Кенгашга киритилади ҳамда кўпи билан иккита Кенгаш аъзоси бўлиши мумкин.

Кенгаш аъзолигига тавсия этилаётган шахслар охириги уч йил ичида камида бешта илмий иш (илмий мақолалар, монографиялар, ихтиро учун патентлар) нашр эттирган бўлиши шарт.

10. Кенгаш таркибига ОАК Раёсати ва ОАК эксперт кенгашларининг аъзолари киритилмайди.

Кенгаш ихтисосликлари бўйича етакчи мутахассис-олимлар — фан докторлари вазирликлар, идоралар ва Фанлар академиясининг мурожаатномасига асосан, ОАК томонидан Кенгаш раиси ва ўринбосар(лар)и этиб тасдиқланади.

Кенгаш раиси турли сабабларга кўра Кенгаш фаолиятида иштирок эта олмаган тақдирда, унинг вазифасини раис ўринбосари ёки ўринбосарлардан бири бажаради.

Кенгаш ихтисослиги бўйича илмий даражага эга бўлган ҳамда Кенгаш тузилаётган етакчи олий таълим ёки илмий-тадқиқот муассасасида штат асосида ишлайдиган шахс ОАК томонидан Кенгаш илмий котиби этиб тасдиқланади.

11. Кенгаш таркиби ҳар йили унинг камида 15 фоизини янгилаш шарти билан уч йил муддатга тасдиқланади. Кенгаш таркибида сурункасига икки муддатдан ортиқ ишлаш мумкин эмас. Кенгаш таркибидан чиққан аъзолар Кенгаш таркибига уч йил ўтгандан кейин қайта киритилиши мумкин.

Кенгаш раиси, раис ўринбосар(лар)и ва илмий котиби вазифасини бажариш муддати уч йилдан ошмаслиги лозим ҳамда кейинги уч йил ичида ушбу вазифаларга қайта тасдиқланиши мумкин эмас.

12. ОАК томонидан Кенгаш ихтисосликлари рўйхати ва Кенгаш раиси тегишли вазирликлар, идоралар ва Фанлар академиясининг мурожаатномасига ёки ОАК эксперт кенгашининг тавсиясига асосан ўзгартирилиши мумкин.

13. Кенгаш таркибига ўзгартиришлар Кенгаш тузилган олий таълим ёки илмий-тадқиқот муассасаси раҳбарининг ёки Кенгаш раисининг мурожаатномаси асосида ОАК томонидан киритилиши мумкин. Бунда ўзгартиришлар аниқ кўрсатилиши ҳамда асослаб берилиши лозим.

14. Диссертация ихтисослиги ёки тегишли фан соҳаси бўйича Кенгаш бўлмаган тақдирда, иш бажарилган ташкилот диссертацияни дастлабки экспертзадан ўтказиб, диссертация ихтисослигига мос ёки яқин келувчи Кенгашга, бундай Кенгаш бўлмаган тақдирда, ОАКга Бир марталик кенгаш тузишни сўраб мурожаат қилади.

15. Иш бажарилган ташкилот Бир марталик кенгаш тузиш бўйича Кенгашга мурожаат қилганда, диссертация Кенгаш томонидан дастлабки экспертзадан ўтказилади. Экспертиза натижалари бўйича хулоса ижобий бўлган тақдирда, Кенгаш бир марталик ҳимоя ўтказиш зарурлиги асосланган тақдимнома билан ОАКга мурожаат қилади.

16. Мазкур тақдимномага Кенгаш таркибига қўшимча аъзоларни киритиш бўйича таклифлар илова қилинади.

Кенгаш таркибига қўшимча аъзоларни киритиш бўйича таклифда тегишли ихтисослик ёки фан соҳаси бўйича ҳал қилувчи овоз бериш ҳуқуқи билан камида беш нафар фан доктори киритилиши назарда тутилиши лозим.

17. Иш бажарилган ташкилот ёки Кенгаш Бир марталик кенгаш тузиш бўйича ОАКга мурожаат қилганда, ОАКга қуйидаги ҳужжатлар тақдим этилади:

Бир марталик кенгаш тузиш ҳақидаги мурожаатнома;

Кенгаш таркибига киритилаётган қўшимча аъзолар, иш бажарилган ташкилотда Кенгаш тузилаётганда, барча Кенгаш аъзолигига тавсия этилаётган шахслар тўғрисидаги маълумот ва объектив-маълумотномалар, уларнинг ёзма розилиги ва охириги уч йил ичида нашр этилган илмий ишлари рўйхати;

талабгор тўғрисидаги объектив-маълумотнома;

талабгорнинг олий таълим муассасасини битирганлиги ҳақидаги дипломи нусхаси;

талабгорнинг илмий-тадқиқот ва илмий-педагогик фаолият олиб боришга лаёқатини аниқлаш бўйича тест синовларидан ўтганлиги ҳақидаги гувоҳнома ёки фан номзоди, хорижий давлатларда берилган фалсафа доктори (Ph.D) ёки унга тенглаштирилган бошқа илмий даражалари дипломи нусхаси;

малакавий имтиҳонларни топширганлиги ҳақидаги гувоҳномалар;

иш бажарилган ташкилотнинг хулосаси;

диссертация муҳокама қилинган ташкилотларнинг хулосалари;

хаммуаллифликдаги илмий ишларини диссертацияга тўла ёки қисман киритиш учун талабгорнинг хаммуаллифларининг ёзма розилиги;

диссертация ва диссертация авторефератининг қўлёзмалари;

талабгорнинг асосий илмий ишлари нусхалари.

18. Кенгашнинг тақдимномаси ёки иш бажарилган ташкилотнинг мурожаатномаси асосида тақдим этилган ҳужжатлар ОАК томонидан экспертизадан ўтказилади. Экспертиза натижалари бўйича хулоса ижобий бўлган тақдирда, мазкур Низомнинг 7 — 10-бандларига мувофиқ Бир марталик кенгаш ва унинг қошидаги илмий семинар таркибини тузади ва тасдиқлайди.

Зарур ҳолларда, Бир марталик кенгаш таркиби диссертация ихтисослигига яқин фан соҳалари бўйича илмий даражага эга бўлган шахслардан иборат таркибда тузилиши мумкин.

Диссертация бўйича етакчи ташкилот ва расмий оппонентлар ОАК томонидан тавсия этилиши мумкин.

19. Диссертация бўйича эксперт кенгашининг хулосаси салбий бўлган тақдирда, Кенгаш тақдимномаси ёки иш бажарилган ташкилотнинг мурожаатномасига нисбатан рад жавоби берилади ҳамда диссертация юзасидан эксперт кенгаши томонидан кўрсатилган камчиликлар тегишли Кенгаш ёки ташкилотга юборилади.

Талабгор камчиликларни бартараф этгандан сўнг, иш тегишли Кенгаш ёки ташкилот томонидан қайта экспертизадан ўтказилиб, Кенгашга ёки ОАКга Бир марталик кенгаш тузишни сўраб мурожаат қилади.

20. Бир марталик кенгаш тузиш бўйича ОАКнинг салбий қарори чиқ-

қан кундан эътиборан олти ой ўтгандан кейин, қайта мурожаат қилиш мумкин.

21. Бир марталик кенгаш фаолияти мазкур Низом талаблари асосида амалга оширилади.

III боб. Кенгаш ишини ташкил қилиш

22. Кенгаш холислик, очиқлик, шаффофлик ва тезкорлик принциплари асосида ОАК раҳбарлигида фаолият олиб боради. Кенгаш фаолияти ташкилотнинг веб-сайти орқали ёритиб борилади.

23. Талабгор диссертацияси ҳимоясига оид барча ҳужжатлар билан танишиш ва Кенгаш раҳбариятидан барча масалалар хусусида малакали ёрдам олиш ҳуқуқига эга.

24. Кенгаш мажлисида битта диссертация ҳимояси ёки битта жамоавий тақриз муҳокамаси, кун давомида эса, иккита мажлис ўтказилиши мумкин. Диссертация ҳимоялари сессия тарзида ОАК рухсати билан ўтказилади.

25. Кенгаш диссертация ҳимоясини ўтказиш навбатини режалаштиришда, биринчи навбатда, бошқа ташкилотлардан келган талабгорларнинг диссертацияларини ҳимояга қабул қилиш ва ОАК томонидан қўшимча хулоса олиш учун юборилган диссертацияларни кўриб чиқишга эътибор қаратиши лозим.

26. Кенгаш ўзи фаолият юритаётган ташкилотнинг расмий бланки ва Давлат герби тасвири туширилган муҳридан фойдаланади. Ташкилот раҳбарияти Кенгаш фаолият олиб бориши учун зарур шарт-шароитлар яратиб беришга масъулдир.

27. Қуйидаги ҳолларда Кенгаш фаолияти ОАК томонидан тўхтатиб қўйилиши ёки тугатилиши мумкин:

Кенгаш томонидан олий малакали илмий ва илмий-педагог кадрлар тайёрлаш ва аттестациядан ўтказиш соҳасидаги қонун ҳужжатлари талабларига жавоб бермайдиган ҳамда илмий савияси паст диссертация ҳимоялари ўтказилганда;

Кенгаш фаолияти давомида ҳимоя қилинган иккита диссертацияга ОАК томонидан рад жавоби берилган бўлса;

диссертация ҳимоя қилиш тартиби Кенгаш томонидан мунтазам равишда бузилганда.

28. Кенгаш раиси ҳар йили 31 декабрга қадар Кенгаш фаолияти бўйича тегишли ташкилотга ҳамда мазкур Низомнинг 2-иловасига мувофиқ шаклда ОАКга ҳисобот беради.

29. Кенгаш томонидан қуйидаги асосий масалалар юзасидан мажлислар ўтказилади:

диссертацияни ҳимояга қабул қилиш;

диссертацияни ҳимоя қилиш;

ОАК томонидан юборилган диссертацияни кўриб чиқиш;

илмий даражалардан маҳрум этиш ёки уни тиклаш масалаларини кўриб чиқиш;

апелляцияларни кўриб чиқиш.

IV боб. Диссертацияни химояга қабул қилиш юзасидан Кенгаш мажлисини ўтказиш

30. Диссертацияни Кенгашда дастлабки экспертизадан ўтказиш ҳамда Илмий семинарнинг ишлаш тартиби фан доктори илмий даражасини бериш соҳасидаги қонун ҳужжатлари талабларига мувофиқ амалга оширилади.

31. Илмий семинар томонидан диссертация бўйича ижобий хулоса берилгандан сўнг, диссертация ихтисослиги бўйича Кенгашнинг уч нафар аъзосидан иборат таркибда эксперт комиссияси тузилади. Эксперт комиссияси таркибига илмий семинар аъзоси бўлган Кенгаш аъзолари ҳам киритилиши мумкин.

32. Эксперт комиссияси зиммасига қуйидагилар юклатилади:

қўрилаётган диссертация ва унга тегишли ҳужжатларнинг ОАК талабларига мослигини текшириш;

диссертация билан танишиб чиқиш ва унинг тегишли ихтисосликларга қай даражада мувофиқ келиши ва талабгор томонидан эълон қилинган ишларда диссертация материаллари қанчалик тўлиқ баён этилганлиги бўйича хулоса бериш;

диссертация бўйича етакчи ташкилот ва расмий оппонентлар тайинлаш, зарур ҳолларда, Кенгаш таркибига қўшимча аъзолар киритиш юзасидан таклифлар бериш.

33. Кенгаш иш бажарилган ташкилот, Илмий семинар ва Кенгаш эксперт комиссиясининг хулосаларига асосан, диссертацияни химояга қабул қилади.

Иш бажарилган ташкилот ҳузурида Кенгаш фаолият кўрсатаётган бўлса, диссертация тегишли лаборатория, бўлим, кафедра ёки кафедралараро, лабораториялараро бирлашган илмий семинарнинг ҳамда Илмий семинар ва Кенгаш эксперт комиссиясининг хулосаларига асосан, химояга қабул қилинади.

34. Кенгаш мажлиси мазкур Низомнинг 42-бандида белгиланган талабларга мувофиқ ваколатли ҳисобланади. Кенгашнинг эксперт комиссиясининг ижобий хулосасига асосан диссертацияни химояга қабул қилиш тўғрисидаги қарори очиқ овоз бериш йўли билан мажлисда иштирок этаётган Кенгаш аъзоларининг кўпчилиги томонидан ёқлаб овоз берилганда, қабул қилинган ҳисобланади.

Етакчи ташкилот ва расмий оппонентлар Кенгаш томонидан диссертацияни химояга қабул қилиш тўғрисида қарор қабул қилингандан кейин тасдиқланади ҳамда тегишли ҳужжатлар диссертация химояси тўғрисида ОАК веб-сайтида эълон бериш учун ОАКга тақдим этилади. Диссертация химояси тўғрисидаги эълон «ОАК Бюллетени» журналида ҳам чоп этилади.

35. Диссертация химояси тўғрисида ОАК веб-сайтида эълон берилгандан сўнг, Кенгаш раиси томонидан қўлёзма ҳуқуқида диссертация авторефератини чоп этишга рухсат берилади ва диссертация химояси куни тайинланади. Диссертация авторефератининг тўлиқ матни ҳузурида Кенгаш фаолият юритаётган ташкилотнинг веб-сайти ва «ZiyoNET» ахборот-ресурс порталига жойлаштирилади ҳамда унинг электрон шакли ривожланган хорижий мамлакатларнинг йирик ахборот-ресурс марказлари ва илмий ташкилотларига юборилади.

36. Диссертация химояси ОАК веб-сайтида эълон берилгандан сўнг, уч ой ичида ўтказилиши шарт. Мазкур талаб Кенгаш томонидан бажарилмаган тақдирда, диссертация химоясини ўтказишга рухсат бериш масаласи ОАК Раёсати томонидан ҳал этилади.

37. Диссертация химоясини ўтказиш манзили, куни ва соати химоядан камида бир ой олдин диссертация авторефератини мазкур Низомнинг 3-ило-васида назарда тутилган диссертация автореферати тарқатилиши шарт бўлган ташкилотларга ва Кенгаш тасдиқлаган қўшимча рўйхатга асосан тарқатиш ҳамда республика аҳамиятидаги газеталардан бирида эълон бериш ва ҳузу-рида Кенгаш фаолият юритаётган ташкилотнинг веб-сайти орқали маълум қилинади.

38. Диссертация автореферати Кенгаш аъзолари ва ОАКга реестр асоси-да Кенгаш илмий котиби томонидан топширилади, расмий оппонентлар ва етакчи ташкилотга кузатув хати орқали етказилади. Диссертация авторефе-ратини тарқатилиши шарт бўлган ташкилотлар ҳамда Кенгаш тасдиқлаган рўйхат бўйича қолган шахсларга почта алоқаси бўлими орқали юборилади.

Кенгашнинг ҳар бир аъзоси диссертация автореферати ва Кенгаш фао-лият юритаётган ташкилотнинг Ахборот-ресурс марказида сақланаётган диссертация билан батафсил танишиб чиқиши шарт. Кенгаш аъзолари то-монидан ҳам диссертация автореферати бўйича диссертация юзасидан тақ-риз берилиши мумкин.

39. Диссертация ўз моҳиятига кўра Кенгаш ихтисосликларига тўғри келмаган ҳамда талабгор томонидан фан доктори илмий даражасини бериш соҳасидаги қонун ҳужжатлари талабларига мувофиқ бажарилмаган тақдир-да, диссертация Кенгаш томонидан химояга қабул қилинмайди. Бунда та-лабгорга диссертацияни Кенгаш томонидан химояга қабул қилмаслик сабаб-лари кўрсатилган мажлис баённомасидан кўчирма ҳамда талабгор топшир-ган барча ҳужжатлар қайтариб берилади.

V боб. Диссертацияни химоя қилиш юзасидан Кенгаш мажлисини ўтказиш

40. Кенгаш мажлислари Кенгаш раиси раҳбарлигида ўтказилади. Кен-гаш раиси, раис ўринбосари ва илмий котиби ўзи илмий маслаҳатчи бўлган диссертация химояси кўриб чиқиладиганда, Кенгаш мажлисида раислик қилиши ёки илмий котиблик вазифаларини бажариши мумкин эмас. Бунда уларнинг вазифасини бажариш ҳузурида Кенгаш фаолият юритаётган таш-килот раҳбарининг буйруғи билан Кенгаш аъзоларидан бирининг зиммаси-га юклатилади.

Бир вақтнинг ўзида раис, раис ўринбосари ва илмий котиб ҳам бўлма-са, Кенгаш мажлиси ўтказилмайди.

41. Кенгаш мажлиси очилишидан олдин Кенгашнинг эксперт комиссияси томонидан тайёрланган Кенгаш хулосаси лойиҳаси аъзоларга тарқатилади.

42. Кенгаш мажлиси унинг ишида аъзоларининг камида учдан икки қисми

ва унда химоя қилинаётган диссертация ихтисослиги бўйича камида учта фан доктори иштирок этганда ваколатли ҳисобланади.

Кенгаш аъзоларининг мажлисда иштирок этаётганлиги ҳамда уларнинг Кенгашдаги ихтисослиги ва илмий даражалари мажлис стенограммасида қайд этилади.

43. Кенгаш мажлиси очилгандан сўнг, раис диссертация химояси ўтказилишини, диссертация мавзусини, расмий оппонентларнинг исми ва фамилияларини ҳамда етакчи ташкилот номини эълон қилади. Шундан сўнг, илмий котиб томонидан талабгор топширган ҳужжатларнинг асосий мазмуни ва уларнинг белгиланган талабларга қай даражада мувофиқ келиши ҳақида маълумот берилади.

44. Илмий котибдан сўнг, талабгорга диссертациянинг моҳияти ва асосий ҳолатларини баён этиш ҳамда саволларга жавоб бериш учун сўз берилади. Илмий маслаҳатчи талабгордан кейин сўзга чиқади. Илмий маслаҳатчи ўз фикрини яқунлагач, илмий котиб томонидан иш бажарилган ташкилотнинг ва Илмий семинарнинг хулосалари, етакчи ташкилот тақризи, диссертация ва диссертация автореферати бўйича Кенгашга келиб тушган бошқа тақризлар ўқиб эшиттирилади.

Кенгашга диссертация ва диссертация автореферати бўйича ижобий тақризлар кўп келиб тушган тақдирда, Кенгаш аъзоларининг розилиги билан илмий котиб томонидан тақризларда қайд этилган фикрлар қисқача баён қилинади, салбий тақризлар эса, тўлиқ ўқиб эшиттирилади. Тақризлар ўқиб эшиттирилгач, талабгорга сўз берилади.

45. Шундан сўнг, диссертация бўйича расмий оппонентлар сўзга чиқади. Ҳар бир расмий оппонентнинг нутқидан сўнг, жавоб бериш учун талабгорга сўз берилади.

46. Кенгаш аъзолари ва мажлисда ҳозир бўлганларнинг барчаси илмий мунозарада иштирок этиш ҳуқуқига эга. Мунозара тугагач, фан доктори илмий даражасини бериш бўйича яширин овоз бериш ўтказилади. Яширин овоз бериш мазкур Низомнинг 4-иловасига мувофиқ шаклдаги бюллетень (кейинги ўринларда бюллетень деб юритилади) асосида ҳисоб комиссияси томонидан ўтказилади.

47. Ҳисоб комиссияси уч кишидан иборат таркибда Кенгаш мажлисида иштирок этаётган ва ҳал қилувчи овозга эга бўлган Кенгаш аъзоларининг кўпчилик овози билан очиқ овоз бериш орқали сайланади.

48. Яширин овоз беришда Кенгаш мажлисида иштирок этаётган ва ҳал қилувчи овозга эга бўлган Кенгаш аъзолари иштирок этади ва уларга ҳисоб комиссияси томонидан қайднома асосида бюллетень берилади.

Диссертация химоясига кечикиб келган ёки химоя тугамасдан кетиб қолган Кенгаш аъзолари кворумни аниқлашда ҳисобга олинмайди ва яширин овоз беришда иштирок этмайди.

Ўзи аъзо бўлган Кенгашда диссертация химоя қилаётган талабгор овоз беришда иштирок этмайди ва мажлисдаги Кенгаш аъзоларининг рўйхатида ҳисобга олинмайди.

49. Овоз бериш яқунлангач, ҳисоб комиссияси аъзолари томонидан

кутича очилиб, бюллетенлар саналади ва овоз бериш натижалари юзасидан мазкур Низомнинг 5-иловасига мувофиқ шаклдаги Ҳисоб комиссияси мажлисининг баённомаси (кейинги ўринларда баённома деб юритилади) тузилади.

50. Тарқатилмаган бюллетенлар яширин овоз бериш бошланишидан олдин тегишли белги қўйилиб, ҳисоб комиссиясида қолдирилади ва қолган бюллетенлар ҳақида баённомада қайд қилинади. Фикрни аниқлаш имкони ни бермайдиган бюллетенлар, яроқсиз деб топилади ва бу ҳақда баённома да қайд қилинади.

Баённома расмийлаштирилгандан сўнг, ҳисоб комиссияси томонидан барча бюллетенлар конвертга солиб муҳрланади ва баённомага илова қилинади. Баённома яширин овоз беришда иштирок этган Кенгаш аъзоларининг кўпчилик овози билан очиқ овоз бериш орқали тасдиқланади.

Баённома тасдиқланмаган тақдирда, диссертация муҳокамаси давом эттирилади. Бунда ҳисоб комиссияси томонидан янги бюллетенлар тайёрланади ва белгиланган тартибда яширин овоз бериш қайта ўтказилади.

Баённомани тасдиқламаслик масаласи диссертацияни химоя қилиш ёки ҳисоб комиссиясининг ишлаш тартиби бузилган тақдирда, Кенгаш томонидан кўриб чиқилиши мумкин.

51. Баённома тасдиқлангандан сўнг, фан доктори илмий даражасини бериш масаласида ижобий қарор қабул қилинганда, Кенгаш хулосаси лойиҳаси муҳокамага қўйилади.

52. Диссертация юзасидан хулосада қуйидагилар акс этирилади:
талабгорнинг энг муҳим илмий натижалари;
илмий натижаларнинг тўғрилиги ва янгилигига берилган баҳо;
диссертациянинг назарий ва амалий аҳамияти;
диссертация натижаларидан фойдаланилганлиги ва фойдаланиш бўйича тавсиялар;

диссертация унга қўйиладиган талабларнинг қай бирига мослиги.

Хулоса очиқ овоз бериш асосида мажлисда иштирок этган Кенгаш аъзоларининг кўпчилик овози билан қабул қилинади.

Фан доктори илмий даражасини бериш масаласида салбий қарор қабул қилинганда, хулоса муҳокамага қўйилмайди.

53. Диссертациянинг натижаларини амалиётга (фан, техника, соғлиқни сақлаш, ижтимоий-гуманитар ва иқтисодиёт тармоқларининг бошқа соҳаларига) татбиғини тасдиқловчи ҳужжатлар асосида талабгор томонидан ишлаб чиқилган тавсиялар муҳокама қилинади ва тасдиқланади.

54. Фан доктори илмий даражасини бериш масаласи унга мажлисда иштирок этган ва овоз бериш ҳуқуқига эга бўлган Кенгаш аъзоларининг камида учдан икки қисми томонидан ёқлаб овоз берилганда, ижобий қарор қабул қилинган ҳисобланади.

55. Кенгашнинг фан доктори илмий даражасини бериш тўғрисидаги қарори ўқиб эшиттирилгандан сўнг, талабгорга яқунловчи сўз берилади.

56. Аттестация иши диссертация химоясидан кейин бир ой ичида ОАКга юборилади.

VI боб. ОАК томонидан юборилган диссертацияни кўриб чиқиш юзасидан Кенгаш мажлисини ўтказиш

57. Қўшимча хулоса олиш учун ОАК томонидан юборилган диссертация икки ой ичида Кенгаш томонидан кўриб чиқилади. Ушбу масала Кенгаш мажлисида кўриб чиқилишидан олдин Кенгаш аъзоларидан иборат бўлган уч кишилик комиссияга талабгорнинг диссертацияси, экспертизанинг олдинги босқичларида билдирилган танқидий фикрларни ўрганиб чиқиш ва тегишли хулоса лойиҳасини Кенгашга тақдим этиш топширилади.

58. Талабгор диссертацияси кўриб чиқилаётган Кенгаш мажлисига таклиф этилади. Талабгор комиссиянинг хулосаси билан олдиндан таништирилган бўлиши керак. Мажлисда талабгорнинг расмий оппонентлари, етакчи ташкилот вакиллари, зарур ҳолларда, Кенгаш томонидан таклиф этиладиган бошқа шахслар иштирок этишлари мумкин.

Кенгаш аъзоларининг мажлисида иштирок этаётганлиги ҳамда уларнинг Кенгашдаги ихтисослиги ва илмий даражалари мажлис стенограммасида қайд этилади.

59. Кенгаш мажлисини очиш вақтида раис мазкур Низомнинг 6-иловасига мувофиқ шаклдаги Кенгаш аъзоларининг қайд варақаси асосида мажлиснинг ваколатлилиги ҳақида Кенгаш аъзоларини хабардор қилади.

Раис мажлисни очгандан сўнг, мажлисида қўшимча хулоса олиш учун юборилган диссертация кўриб чиқилишини эълон қилади, диссертациянинг мавзусини, диссертация ҳимояси ўтган Кенгашни, расмий оппонентларнинг исми ва фамилиялари ҳамда етакчи ташкилотни кўрсатиб ўтади.

Кенгашнинг илмий котиби томонидан диссертация бўйича экспертизанинг олдинги босқичларида айтилган танқидий фикрлар ҳақида маълумот берилади.

Талабгор томонидан диссертациянинг моҳияти ва асосий ҳолатлари баён этилади. Бунда талабгорга саволлар берилиши мумкин.

60. Муҳокама комиссия аъзоларидан бирининг сўзга чиқиши билан бошланади. Кенгаш мажлисида иштирок этаётган ҳар бир шахс сўз олиш ҳуқуқига эга. Муҳокамадан сўнг, талабгорга яқунловчи сўз берилади ва Кенгаш томонидан мазкур Низомнинг 47 — 50-бандларига мувофиқ яширин овоз бериш ўтказилади.

Кенгаш томонидан мажлисида иштирок этган ва овоз бериш ҳуқуқига эга бўлган Кенгаш аъзоларининг камида учдан икки қисми томонидан ёқлаб овоз берилганда, ижобий қарор қабул қилинган ҳисобланади.

61. Баённома тасдиқлангач, Кенгаш очиқ овоз бериш орқали мажлисида иштирок этган Кенгаш аъзоларининг кўпчилик овози билан қўшимча хулоса матнини қабул қилади. Хулосада диссертация унга қўйиладиган талабларнинг қай бирига жавоб бериши ёки жавоб бермаслиги кўрсатилади. Талабгорга хулоса нусхаси, у тасдиқлангандан кейин берилади.

62. Яширин овоз бериш натижалари кўрсатилган ҳамда Кенгаш раиси ва илмий котиби имзолаган стенограмма ва хулосанинг матни талабгорнинг диссертацияси билан бирга уч ҳафта ичида ОАКга юборилади.

**VII боб. Илмий даражалардан маҳрум этиш ёки уларни
тиклаш масалаларини кўриб чиқиш юзасидан
Кенгаш мажлисини ўтказиш**

63. Кенгаш мажлисига шахсни илмий даражадан маҳрум этиш ёки уни тиклаш масаласини қўйиш учун асос бўладиган материаллар тушган тақдирда, ушбу материалларнинг асослилигини ўрганиш камида беш кишидан иборат таркибда Кенгаш аъзолари орасидан тузиладиган комиссияга топширилади. Ушбу масала юзасидан, зарур ҳолларда, Кенгаш томонидан тегишли олий таълим ёки илмий-тадқиқот муассасаси раҳбарияти орқали сўровлар юборилади.

Ўрганиш натижаларига асосан комиссия томонидан хулоса чиқарилади ва хулоса Кенгашда кўриб чиқиш учун топширилади. Комиссия тайёрлаган материаллар Кенгаш томонидан бир ой ичида кўриб чиқилиши лозим.

64. Кенгаш мажлиси илмий даражадан маҳрум этиш ёки уни тиклаш масаласи қўйилган шахс иштирокида ўтказилади. Шахс бу ҳақда мажлис ўтказилишидан камида ўн кун олдин огоҳлантирилиши шарт. Агар шахс мажлисга узрсиз сабабларга кўра келмаса ёки мажлисга келишдан бош тортса, Кенгаш томонидан унинг иштирокисиз мажлис ўтказиш тўғрисида қарор қабул қилинади. Мазкур шахс узрли сабабларга кўра мажлисга келаолмаслиги ҳақида олдиндан хабар қилганда, Кенгаш мажлиси бошқа кунга ёки бошқа вақтга қолдирилади.

65. Кенгаш раиси мажлисни очиш вақтида мажлиснинг ваколатлилиги тўғрисида хабардор қилади ҳамда мажлисда илмий даражадан маҳрум этиш ёки уни тиклаш ҳақидаги масала кўриб чиқилишини эълон қилади. Мазкур масала юзасидан комиссия аъзоларидан бири маъруза қилади. Маъруза тугагач, илмий даражадан маҳрум этиш ёки уни тиклаш масаласи қўйилган шахсга сўз берилади. Кенгаш мажлисида ҳозир бўлганларнинг барчаси сўзга чиқиш ҳуқуқига эга.

66. Муҳокамадан сўнг Кенгаш томонидан мазкур Низомнинг 47 — 50-бандларига мувофиқ илмий даражадан маҳрум этиш ёки уни тиклаш юзасидан яширин овоз бериш ўтказилади. Кенгашнинг илмий даражадан маҳрум этиш ёки уни тиклаш ҳақидаги қарори мажлисда иштирок этган ва овоз бериш ҳуқуқига эга бўлган Кенгаш аъзоларининг камида учдан икки қисми томонидан ёқлаб овоз берилганда, қабул қилинган ҳисобланади.

67. Кенгаш томонидан баённома тасдиқлангач, яширин овоз бериш натижаларига асосланган ҳолда очиқ овоз бериш йўли билан мажлисда иштирок этган Кенгаш аъзоларининг кўпчилиги овози билан қарор қабул қилинади, унда кўриб чиқилган материалларнинг моҳияти ва натижалари аниқравшан кўрсатилиши ҳамда ОАҚдан илмий даражадан маҳрум этиш ёки уни тиклашни сўраш учун етарли асос бор ёки йўқлиги тўғрисида хулоса бўлиши лозим.

Яширин овоз бериш натижалари ҳамда Кенгаш қарори илмий даражадан маҳрум этиш ёки уни тиклаш масаласи қўйилган шахсга дарҳол маълум қилиниши лозим.

68. Кенгаш томонидан шахсни илмий даражадан маҳрум этиш ёки уни тиклаш тўғрисида қарор қабул қилинган тақдирда, Кенгаш раиси ва илмий котиби томонидан имзоланган Кенгаш мажлисининг стенограммаси ва яширин овоз бериш натижалари кўрсатилган қарор уч ҳафта ичида ОАКга юборилади. Илмий даражадан маҳрум этиш масаласини кўриб чиқиш ОАК томонидан юборилган ҳолларда, Кенгашда белгиланган тартибда кўриб чиқилиб, ОАКга юборилади.

VIII боб. Апелляцияни кўриб чиқиш юзасидан Кенгаш мажлисини ўтказиш

69. Манфаатдор шахслар Кенгаш қарори юзасидан апелляция берганда, Кенгаш раиси томонидан Кенгаш аъзолари орасидан камида беш кишидан иборат таркибда тузиладиган комиссияга зарур материалларни ўрганиб чиқиш ҳамда апелляция юзасидан Кенгаш хулосаси лойиҳасини тайёрлаш топширилади.

Агар апелляция илмий даража бериш бўйича Кенгаш қарори юзасидан берилган бўлса, Кенгаш раиси бир ҳафта ичида бу ҳақда ОАКни хабардор қилади.

Апелляция «Фуқароларнинг мурожаатлари тўғрисида»ги Ўзбекистон Республикасининг Қонунида белгиланган муддатларда кўриб чиқилади.

70. Апелляция берган шахс ёки талабгор ҳамда бошқа манфаатдор шахслар мажлисдан камида беш кун олдин хабардор қилиниб, Кенгаш мажлисига таклиф этилади. Апелляция берган шахс узрли сабабларга кўра келмаган тақдирда, Кенгаш мажлиси бошқа вақтга ёки бошқа кунга кўчирилади. Апелляция берган шахс узрсиз сабабларга кўра Кенгаш мажлисига келмаган тақдирда, мажлис унинг иштирокисиз ўтказилади.

71. Кенгаш раиси томонидан мажлисни очиш вақтида мажлиснинг ваколатлилиги ҳақида маълум қилинади.

Кенгаш аъзоларининг мажлисда иштирок этаётганлиги ҳамда уларнинг Кенгашдаги ихтисослиги ва илмий даражалари мажлис стенограммасида қайд этилади.

Кенгаш раиси мажлис очилгандан сўнг, апелляция кўриб чиқилишини эълон қилади ва уни ўқиб эшиттириш учун илмий котибга сўз беради. Комиссия аъзоларидан бири комиссиянинг иши натижаларини ҳамда апелляция юзасидан Кенгаш хулосаси лойиҳасини ўқиб эшиттиради.

Кенгаш мажлисида ҳозир бўлганларнинг барчаси муҳокамада иштирок этиш ҳуқуқига эга.

72. Муҳокама тугагандан сўнг, Кенгаш ёпиқ овоз бериш асосида мажлисда иштирок этган ва овоз бериш ҳуқуқига эга бўлган Кенгаш аъзоларининг камида учдан икки қисмининг овози билан апелляция юзасидан хулоса қабул қилади.

Кенгаш раиси ва илмий котиби томонидан имзоланган стенограмма ва апелляция юзасидан хулоса ҳамда кўриб чиқилган апелляция ўн кун ичида ОАКга юборилади.

IX боб. Яқуний қоида

73. Мазкур Низом Ўзбекистон Республикаси Маданият ва спорт ишлари вазирлиги, Олий ва ўрта махсус таълим вазирлиги, Соғлиқни сақлаш вазирлиги, Халқ таълими вазирлиги, Қишлоқ ва сув хўжалиги вазирлиги, Ташқи ишлар вазирлиги, Фанлар академияси, Вазирлар Маҳкамаси ҳузуридаги Фан ва технологияларни ривожлантиришни мувофиқлаштириш қўмитаси билан келишилган.

***Маданият ва спорт
ишлари вазири***

Т. КУЗИЕВ

2013 йил 14 январь

***Олий ва ўрта махсус
таълим вазири***

Б. ХОДИЕВ

2013 йил 28 январь

Соғлиқни сақлаш вазири

А. АЛИМОВ

2013 йил 17 январь

Халқ таълими вазири

Т. ШИРИНОВ

2013 йил 18 январь

***Қишлоқ ва сув
хўжалиги вазири***

З. РУЗИЕВ

2013 йил 23 январь

Ташқи ишлар вазири

А. КОМИЛОВ

2013 йил 22 январь

***Фанлар академияси
президенти***

Ш. САЛИХОВ

2013 йил 15 январь

***Вазирлар Маҳкамаси ҳузуридаги
Фан ва технологияларни
ривожлантиришни мувофиқлаштириш
қўмитаси ижроия аппарати раҳбари***

О. ПАРПИЕВ

2013 йил 16 январь

Фан доктори илмий даражасини
берувчи илмий кенгаш
тўғрисидаги низомга
1-ИЛОВА

**Кенгаш аъзолари тўғрисида
М А Ё Л У М О Т**

хузурида

ташкилот номи, манзили

шифрлар, ихтисосликлар ва фан соҳаларининг номи

ихтисослиги бўйича фан доктори илмий даражасини берувчи илмий кенгаш аъзолари ҳақида

Т/р	Ф.И.О	Тугилган йили, миллати, фуқаролиги	Асосий иш жойи, лавозими	Илмий даражаси (диссертация ҳимоя қилинган ихтисослик шифри кўрсатилади)	Илмий унвони (ихтисослик ёки кафедра бўйича)	Кенгашдаги ихтисослик шифри ва фан соҳаси	Охириги уч йил ичидаги асосий илмий ишлари
1	2	3	4	5	6	7	8

Асосий иш жойи кенгаш тузилаётган ташкилот бўлган илмий кенгаш аъзолари _____та, бошқа муассасалардан таклиф этилган илмий даражага эга бўлган мутахассислар _____ та.

Директор (ректор)

(имзо, Ф.И.О.)

Сана

Гербли муҳр

Изоҳ:

1. Рўйхат бошида фан доктори илмий даражасини берувчи илмий кенгаш раиси, раис ўринбосари, илмий котиби (Ф.И.О.дан кейин қавс ичида бу лавозимлар кўрсатилади) ҳақида маълумот берилади, сўнгра алифбо тартибида аъзолар ҳақида маълумот берилади.

2. 8-устунда фан доктори илмий даражасини берувчи илмий кенгаш аъзоларининг охириги уч йил ичидаги илмий ишларидан 3 — 5 та библиографик намуналар келтирилганда унинг 7-устунда кўрсатилган ихтисослик бўйича малакаси борлигини кўрсатиши лозим.

3. Мазкур маълумот Ўзбекистон Республикаси Вазирлар Маҳкамаси хузуридаги Олий аттестация комиссиясига икки нусхада топширилади.

Фан доктори илмий даражасини
берувчи илмий кенгаш
тўғрисидаги низомга
2-ИЛОВА

Кенгашнинг 20__йилдаги фаолияти ҳақида ҲИСОБОТ

_____ хузуридаги
ташкилот, шаҳар номи

_____ рақамли фан доктори илмий даражасини берувчи илмий кенгаш
ОАКнинг 20__ й. _____ даги _____-сон қарори билан тасдиқланган.
кенгаш шифри

Кенгашга _____ ихтисослигидан
ихтисослик шифри ва номи

_____ фанлари бўйича
фан соҳаси

_____ ихтисослигидан
ихтисослик шифри ва номи

_____ фанлари бўйича
фан соҳаси

диссертацияларни ҳимояга қабул қилиб олишга рухсат этилган.

Ҳисоботда қуйидаги маълумотлар бўлиши керак:

1. Ўтказилган мажлислар сони.
2. Фан доктори илмий даражасини берувчи илмий кенгаш аъзоларининг мажлисларда иштирок этиш фаоллиги:

Т/р	Кенгаш аъзосининг Ф.И.О. (ихтисослик шифри)	Иштирок этган мажлислар сони	Мажлисларнинг умумий сонига нисбатан % ҳисобида	Муҳокамаларда иштирок этган мажлислар сони	Расмий оппонент бўлган диссертациялар сони	Фаоллик даражаси (фаол ёки нофаол)

3. Ҳисобот йили фан доктори илмий даражасини берувчи илмий кенгаш кўриб чиққан диссертацияларнинг қисқача таҳлили ҳамда қуйидагилар алоҳида кўрсатилиши лозим:

кўриб чиқилган ишлар мавзусининг таҳлили ва мавзуларнинг иқтисодиёт тармоқларини ривожлантириш дастурларига боғлиқлиги ва илмий-тадқиқот ишларининг истиқболли йўналишларини аниқлашга доир таклифлар;
кўриб чиқилган ишларнинг илмий натижаларидан иқтисодиёт тармоқларида қай даражада фойдаланилаётганлиги тўғрисида маълумот.

4. Фан доктори илмий даражасини олиш учун топширилган ва кўриб чиқилган диссертациялар ҳақида маълумот:

	Ихтисослик шифри		Ихтисослик шифри		Ихтисослик шифри	
	фан соҳаси	фан соҳаси	фан соҳаси	фан соҳаси	фан соҳаси	фан соҳаси
	2	3	4	5	6	7
1						
Дастлабки босқичда муҳокамадан олинган ишлар						
Диссертация ҳимояси якунлари бўйича ижобий қарор чиқарилган ишлар						
Шу жумладан, бошқа ташкилотлардан						
Хорижий мамлакатлардан						
Диссертация ҳимояси якунлари бўйича салбий қарор чиқарилган ишлар						
Шу жумладан, бошқа ташкилотлардан						
Хорижий мамлакатлардан						
Қўшимча хулосалар берилган ишлар						
Кенгаш муҳокамасига берилган ишлар сони (20__ йил 31 декабрь ҳолатига)						

Изоҳ:

1. Маълумотлар каср шаклида берилади, унинг суратида кўриб чиқилган диссертациялар сони, махражида эса — катта илмий ходим-изланувчилар институтида (битирган вақтидан қатъи назар) тайёргарликдан ўтган талабгорлар диссертацияларининг сони кўрсатилади.

2. Ихтисосликлар туташ келган мавзуда бажарилган диссертациялар учун Ўзбекистон Республикаси Вазирлар Маҳкамаси ҳузуридаги Олий аттестация комиссияси қарорига асосан, фан доктори илмий даражасини берувчи илмий кенгашга қайси ихтисосликлар бўйича диссертация ҳимоясини ўтказиш ҳуқуқи берилган бўлса, фақат шу ихтисосликларгина кўрсатилади.

5. Илмий маъруза шаклида ҳимоя қилинган докторлик диссертациялари ҳимояси тўғрисида маълумот:

Т/р	Ф.И.О.	Ихтисослик шифри	Фан соҳаси

6. Туташ ихтисосликларда бажарилган диссертациялар бўйича химоялар тўғрисида маълумот:

Т/р	Ф.И.О.	Кенгашдаги ихтисослик шифри	Ихтисослик шифри	Фан соҳаси

7. Кенгаш асосида ташкил этилган Бир марталик кенгашларда химоя қилинган диссертациялар ҳақида маълумот:

Т/р	Ф.И.О.	Кенгашдаги ихтисослик шифри	Ихтисослик шифри	Фан соҳаси

8. Фан доктори илмий даражасини берувчи илмий кенгашнинг веб-сайти бўйича тўлиқ маълумотлар.

9. Диссертация химоялари тўғрисида республика газеталарида берилган эълонлар тўғрисида тўлиқ маълумот.

10. Аттестация ишини такомиллаштириш бўйича таклиф ва мулоҳазалар.

Кенгаш раиси

_____ (имзо, Ф.И.О.)

Кенгаш илмий котиби

_____ (имзо, Ф.И.О.)

Гербли муҳр

(сана)

Фан доктори илмий даражасини
берувчи илмий кенгаш
тўғрисидаги низомга
З-ИЛОВА

**Диссертация автореферати юборилиши шарт
бўлган ташкилотлар
РЎЙХАТИ**

1. Ўзбекистон Республикаси Олий Мажлиси Сенати
2. Ўзбекистон Республикаси Олий Мажлиси Қонунчилик палатаси
3. Ўзбекистон Республикаси Вазирлар Маҳкамаси ҳузуридаги Олий аттестация комиссияси
4. Ўзбекистон Республикаси Вазирлар Маҳкамаси ҳузуридаги Фан ва технологияларни ривожлантиришни мувофиқлаштириш кўмитаси
5. Ўзбекистон Республикаси Адлия вазирлиги (юримдик фанлар бўйича бажарилган ишлар учун)
6. Ўзбекистон Республикаси Президенти ҳузуридаги Амалдаги қонун ҳужжатлари мониторинги институти (ижтимоий-гуманитар фанлар бўйича бажарилган ишлар учун)
7. Суд қонунчилигини демократлаштириш ва либераллаштириш ҳамда суд тизими мустақиллигини таъминлаш бўйича тадқиқот маркази (юримдик фанлар бўйича бажарилган ишлар учун)
8. Инсон ҳуқуқлари бўйича Ўзбекистон Республикаси миллий маркази (юримдик фанлар бўйича бажарилган ишлар учун)
9. Алишер Навоий номидаги Ўзбекистон Миллий кутубхонаси — ахборот-ресурс маркази
10. Ўзбекистон Республикаси илмий-педагогик кутубхонаси (педагогика ва психология фанлари бўйича бажарилган ишлар учун)
11. Ўзбекистон Республикаси давлат илмий тиббиёт кутубхонаси (тиббиёт ва фармацевтика фанлари бўйича бажарилган ишлар учун)
12. Ўзбекистон Республикаси Фанлар академиясининг асосий кутубхонаси
13. Ўзбекистон Миллий университети Ахборот-ресурс маркази
14. Самарқанд давлат университети илмий кутубхонаси
15. Ўзбекистон Миллий энциклопедияси
16. Ўзбекистон Республикаси Миллий китоб палатаси
17. Россия давлат кутубхонаси
18. Украина Миллий Парламент кутубхонаси
19. Беларус Республикаси Миллий кутубхонаси
20. Қозоғистон Республикаси Миллий кутубхонаси
21. Қирғизистон Республикаси Миллий кутубхонаси
22. Озарбайжон Республикаси Давлат кутубхонаси
23. Арманистон Миллий кутубхонаси

Фан доктори илмий даражасини
берувчи илмий кенгаш
туғрисидаги низомга
4-ИЛОВА

Б Ю Л Л Е Т Е Н Ъ

кенгаш шифри

фан доктори илмий даражасини берувчи илмий кенгашнинг 20__ йил
_____даги мажлисининг_____ -сон баённомасига оид.

Талабгорнинг Ф.И.О.	Фан доктори илмий даражасига муносиб	Овоз бериш натижалари
		<i>Розиман</i> <i>Рози эмасман</i>

Изоҳ:

1. Фан доктори илмий даражасига муносиб устунда фан соҳаси кўрсатилади.
2. Бюллетенларга имзо чекилмайди. Овоз бериш натижалари устунда кераксизи ўчириб ташланади.

Фан доктори илмий даражасини
берувчи илмий кенгаш
тўғрисидаги низомга
5-ИЛОВА

**Ҳисоб комиссияси мажлисининг
Б А Ё Н Н О М А С И**

_____ кенгаш шифри

20__ йил _____

Сайланган комиссия таркиби _____

_____ Ф.И.О.

Комиссия _____нинг

_____ Ф.И.О.

_____ фанлари доктори илмий даражасини олишга қўйилган
_____ фан соҳаси
диссертацияси юзасидан яширин берилган овозларни санаш учун сайланган.

Кенгаш таркиби _____ кишидан иборат этиб тасдиқланган.

Фан доктори илмий даражаси берувчи илмий кенгаш таркибига ҳал қилувчи овоз ҳуқуқи билан қўшимча равишда _____ киши киритилган.

Мажлисида кенгаш аъзоларидан _____ киши, шу жумладан кўриб чиқи-
лаётган диссертация ихтисослиги бўйича _____ нафар фан доктори ишти-
рок этди.

_____ та бюллетень тарқатилди.

_____ та бюллетень тарқатилмай қолди.

Қутичада _____ та бюллетень борлиги аниқланди.

Овоз бериш натижалари:

_____ га
_____ Ф.И.О.

_____ фанлари доктори илмий даражасини
_____ фан соҳаси

бериш бўйича қуйидагича овоз берилди:

тарафдорлар _____ та;

қаршилар _____ та;

яроқсиз деб топилган бюллетенлар _____ та.

Ҳисоб комиссияси раиси _____
_____ Ф.И.О.

166-модда

— 28 —

13 (565)-сон

Комиссия аъзолари

Ф.И.О.

Ф.И.О.

Фан доктори илмий даражасини
берувчи илмий кенгаш
тўғрисидаги низомга
6-ИЛОВА

Кенгаш аъзоларининг

ҚАЙД ВАРАҚАСИ

_____ ихтисослиги бўйича
ихтисослик шифри ва номи

_____ диссертация ҳимояси юзасидан
Ф.И.О.

20__ йил _____ даги кенгаш мажлисининг _____ -сон
баённомасига оид

Ф.И.О.	Илмий даражаси, кенгашдаги ихтисослик шифри	Мажлисга келди (имзо)	Бюллетень олди (имзо)

Кенгаш илмий котиби _____
(имзо, Ф.И.О.)